

Tusagassiuutitigut nalunaarut – 2013-imut akileraarutit sippuutaannit utertoortissat

2014-imi augustip 29-ani Akileraartarnermut Aqutsisoqarfiup ukiumut akileraarfiusumut 2013-imut akileraarutit sippuutaannit utertoortissat 149,1 mio. koruunit inunnut 22.834-nut utertissavai.

149,1 mio. koruuninit ilanngaassinikkut, pisinnaatitaaffimmik tiguisoqarneratigut akiliisitsinikkut kiisalu pigisanik qularnaveeqqutitut sillimmasiinikkut 41,2 mio. koruunit (utertoortissat tamarmiusut 28 %-iisa missaat) pisortanut akiligassanut kinguaattoorutitut matusissutigalugit akilersinneqarput. 25 mio. koruunit Kalaallit Nunaanni kommuninut, inissiaatileqatigiiffinnut Inimut Iseritsimullu aammalu Nukissiorfinnut il.il. akiitsunut matusissutitut akilersinneqarput, sinneruttut 16,2 mio. koruunit Kalaallit Nunaanni Namminersorlutik Oqartussanut akiligassanut kinguaattoorutitut matusissutigineqarput.

Akileraartartup akileraarutit sippuutaannit utertoortissai pisortanut akiligassanut kinguaattoorutitut tamakkiisumik ilaannakuusumilluunniit atorneqarsimatillugit, tamanna pillugu immikkut ilisimatitsissummik nalunaarfigineqarput.

2013-mi nammineerluni nalunaarusiornermi bank kontomik tunniussinikut akileraarutit sippuutai 29. August tunniunneqarumaarput. Bank konto-mik tunniussineqanngitsut 29. August 2014 check-mik nassitsikkumaarput.

Upernaaq 2014 Akileraartarnermut Aqutsisoqarfiup akileraarutit sippuutaannit § 15 naapertorlugu ukiumut akileraarfiusumut 2013-imut utertoortissat 22,2 mio. koruunit inunnut 1.591-inut utertippai.

22,2 mio. koruuninit ilanngaassinikkut, pisinnaatitaaffimmik tiguisoqarneratigut akiliisitsinikkut kiisalu pigisanik qularnaveeqqutitut sillimmasiinikkut 3,3 mio. koruunit (utertoortissat tamarmiusut 15 %-iisa missaat) pisortanut akiligassanut kinguaattoorutitut matusissutigalugit akilersinneqarput. 2 mio. koruunit Kalaallit Nunaanni kommuninut, inissiaatileqatigiiffinnut Inimut Iseritsimullu aammalu Nukissiorfinnut il. il. akiitsunut matusissutitut akilersinneqarput, sinneruttut 1,3 mio. koruunit Kalaallit Nunaanni Namminersorlutik Oqartussanut akiligassanut kinguaattoorutitut matusissutigineqarput.

Matumunnga peqatigitillugu 2013-imut akileraarutissat sinnerinut akiligassat 163,4 mio. koruunit akileraartartunit 9.525-init akileqquneqassapput, taakkunaannga 49,1 mio. koruunit 2015-imut siumoortumik nalunaarsuinermit atatillugu ilanngunneqassapput, 114,3 mio. koruunilli pingasunngorlugit avillugit akiligassanngussallutik ulluni 01/09, 01/10 aamma 01/11-2014-imi, kingusinnerpaamillu akilerneqareersimassallutik qaammatit akiligassanngorfimmik ulluisa 20-anni.

Akileraarutissat sinnerinut akiligassat 2015-imut siumoortumik nalunaarsuinermit ilanngussassat akilerneqarsinnaapput ulloq 20. november 2014 nallertinnagu, taamalu tapiliussassaq 6%-iusoq pinngitsoorneqarsinnaalluni. Tamaaliorinnaaneq pillugu paasissutissat inaarummik naatsorsuummi takuneqarsinnaapput.

Akileraartartut akileraarutit sippuutaannit utertoortutitut akileraarutissallu sinnerinut akiligassanut tunngatillugu apeqqutissaqartut, inaarummik naatsorsuummik aamma akiligassanut kinguaattoorutitut akiliisitsiniarsimaneq pillugu nalunaarummik tigusaqareernermi kingorna, uunga saaffigin-

nissinnaapput: Kalaallit Nunaanni Namminersorlutik Oqartussat, Akileraartarnermut Aqutsi-
soqarfik, postboks 1605, 3900 Nuuk, oqarasuaat + 299 34 65 10, maili: tax@nanoq.gl

29/8-2014-imiit ukiumut akileraarfiusumut 2013-imut inaarummik naatsorsuutip assinga
Sullissivik.gl-imi NemId atorlugu aaneqarsinnaalissaaq.